

NAROD I PRAVDA  
Elvedin Okerić  
Zastupnik u Skupštini Kantona Sarajevo

**VLADA KANTONA SARAJEVO**  
**Zavod za izgradnju Kantona Sarajevo**

**Predmet: ZASTUPNIČKA INICIJATIVA**

Podnosim inicijativu prema Zavodu za izgradnju KS da dostavi Vladi spisak stanova kojima raspolaže, a koji nisu dodijeljeni na čuvanje, niti će shodno planu aktivnosti biti dodijeljeni u narednih 12 mjeseci kako bi se donijela odluka o ustupanju stanova na korištenje

- socijalnim kategorijama koje nemaju riješeno stambeno pitanje ili
- mladim bračnim parovima koji nisu kreditno sposobni za rješavanje stambenog pitanja.

Molim da se osnov i kriteriji za ostvarivanje ovog prava, kao i uslovi korištenja stanova, definišu u što kraćem roku.

### **OBRAZLOŽENJE**

Zavod za izgradnju raspolaže stanovima koji već godinama nemaju korisnike. U tom periodu stanove niko ne održava što vodi propadanju javne imovine sa jedne strane, dok sa druge strane imamo mnogo porodica sa neriješenim stambenim pitanjem koje plaćaju najam stana po tržišnim cijenama. Davanjem stanova na čuvanje na određeno vrijeme pod određenim uvjetima odlukom Vlade bi bio višestruko odgovoran potez, s toga molim da se iznađe adekvatan model za realizaciju ove inicijative.

25.09.2019.godine.

Elvedin Okerić  
Zastupnik u Supštini Kantona Sarajevo

NAROD I PRAVDA  
Elvedin Okerić  
Zastupnik u Skupštini Kantona Sarajevo

**VLADA KANTONA SARAJEVO  
MINISTARSTVO KOMUNALNE I PRIVREDE**

**Predmet: ZASTUPNIČKA INICIJATIVA**

Tražim hitnu reakciju resornog ministarstva i KJKP RAD Sarajevo po predmetnoj inicijativi.

**OBRAZLOŽENJE**

Kod kružnog toka u Brijesću na ostacima zgrade GP BOSNA formira se odlagalište otpada. Neodgovorni pojedinci su skinuli staru ciglu nakon čega je ostala samo konstrukcija koja je jako oslabljena a što predstavlja veliki rizik za sve one koji ulaze u krug bivše firme odlažu otpad ili skidaju određene materijale.

Smatram da bi trebali preventivno hitno spriječiti odlaganje otpada i ulazak osoba, te adekvatno osigurati ili u potpunosti srušiti oslabljene ostatke konstrukcije dok se nije desila kakva nesreća.

25.09.2019.godine.

Elvedin Okerić  
Zastupnik u Supštini Kantona Sarajevo

NAROD I PRAVDA  
Elvedin Okerić  
Zastupnik u Skupštini Kantona Sarajevo

**VLADA KANTONA SARAJEVO  
MINISTARSTVO PROSTORNOG UREĐENJA, GRAĐENJA I ZAŠTITE  
OKOLIŠA**

**Predmet: ZASTUPNIČKO PITANJE**

Molim Ministarstvo prostornog uređenja, građenja i zaštite okoliša da dostavi informaciju da li je uključeno u proceduru uspostavljanje Parka prirode na teritoriji općina Trnovo i Hadžići?

**OBRAZLOŽENJE**

Iz medija smo početkom tekućeg mjeseca mogli saznati da su općine Trnovo i Hadžići, zajedno sa općinom Konjic i Federalnim ministarstvom okoliša i turizma, usaglasile prostor obuhvata i sve elemente budućeg zaštićenog područja. Kako se radi o zaštiti prirode, koja je u skladu sa Ustavom Kantona Sarajevo podijeljena nadležnost između Kantona i Federacije, neophodno je znati da li je u konsultacijama i dogovorima bio prisutan kantonalni nivo vlasti? Ukoliko jeste, molim da detaljno informišete Skupštinu, do detaljne informacije tražim usmeni odgovor.

25.09.2019.godine.

Elvedin Okerić  
Zastupnik u Supštini Kantona Sarajevo

NAROD I PRAVDA  
Elvedin Okerić  
Zastupnik u Skupštini Kantona Sarajevo

## **VLADA KANTONA SARAJEVO**

### **Predmet: ZASTUPNIČKA INICIJATIVA**

U ulici Posavska u naselju Hrasno brdo čija ukupna dužina iznosi 600 metara, zbog većih ispučenja i rupa na kolovozu onemogućeno je normalno odvijanje saobraćaja za građane ovog naselja, što izaziva vrlo česta oštećenja auta a i utiče na sigurnost prolaska građana, obzirom da ova ulica nije obilježena ivičnjacima i trotoarom za kretanje pješaka. Posebno je potrebno naglasiti da djeca koja pohađaju škole svakodno pješače ovom ulicom.

### **OBRAZLOŽENJE**

Rekonstrukcija putne infrastrukture u ulici Posavska, Hrasno brdo je od interesa za Kanton Sarajevo, čije stanje je veoma loše i koje se stalno pogoršava zbog čestih intervencija KJP Vodovod na otklanjanju kvarova zbog pucanja vodovodnih cijevi, kao i nekvalitetno urađenih radova na postavljanju infrastrukture BH Telecoma, ova ulica je u izuzetno lošem stanju i ugroženo je odvijanje saobraćaja na istoj.

S toga molimo da Vlada Kantona Sarajevo sa resornim ministarstvima u saradnji sa Direkcijom za ceste Kantona Sarajevo, prioritetno uvrsti u svoj plan rekonstrukcije i ulicu Posavska.

25.09.2019.godine.

Elvedin Okerić  
Zastupnik u Supštini Kantona Sarajevo

Zastupnik u Skupštini Kantona Sarajevo

**VLADA KANTONA SARAJEVO  
MINISTARSTVO ZA BORAČKA PITANJA**

**Predmet: ZASTUPNIČKA INICIJATIVA**

Na osnovu člana 40. i 41. Zakona o dopunskim pravima boraca - branitelja Bosne i Hercegovine (Službene novine Kantona Sarajevo, broj 45/12- Prečišćeni tekst, 26/14 i 46/17), člana 4. Pravilnika za dodjelu stana u vlasništvo ili dodjelu stana na korištenje (Službene novine Kantona Sarajevo, broj 9/17) i prijedloga Komisije za dodjelu stana u vlasništvo ili na korištenje ministar za boračka pitanja utvrđuje Konačne liste lica koja ispunjavaju uvjete za dodjelu stana na korištenje i Konačne liste lica (ratni vojni invalidi, roditelji, supruge i djeca šehida bez oba roditelja) koja ispunjavaju uvjete za dodjelu stana u vlasništvo.

**OBRAZLOŽENJE**

*Prema dosadašnjoj praksi javnosti su dostupne "samo" liste lica kojima se zaista dodjeljuje stan na korištenje, odnosno u vlasništvo u skladu sa budžetskim sredstvima za određenu budžetsku godinu, a ne i kompletna rang lista/registar svih lica (ratni vojni invalidi, roditelji, supruge i djeca šehida bez oba roditelja) koji ispunjavaju uvjete za dodjelu stana na korištenje i dodjelu stana u vlasništvo.*

*Kompletna rang lista/registar svih lica koji ispunjavaju uvjete za dodjelu stana na korištenje i dodjelu stana u vlasništvo treba biti dostupna javnosti u svakom momentu i ažurirana u skladu sa članom 21. "prioritet dodjele stana" Pravilnika za dodjelu stana u vlasništvo ili dodjelu stana na korištenje!*

25.09.2019.godine.

Elvedin Okerić  
Zastupnik u Skupštini Kantona Sarajevo